

رمضان فرصة لا تعوض !! | د. حازم شومان

حازم شومان

السلام عليكم ورحمة الله وبركاته. السلام عليكم. ايه نايمين ولا ايه ؟ الحمد لله. معنا لحد امتى ان شاء الله للصبح طب هتعشونا ايه بقى ؟ احنا جمب النيل اهو. يعني يبقى سmek بقى ولا حاجة. ولا لسه - 00:00:00

لسه عندكم بط ولا ايه ؟ الحمد لله وكفى وصلة وسلاما على عباده الذين اصطفى. اللهم لك الحمد كله ولك الملك كله وبيدك الخير كله واليك يرجع الامر كله. اللهم صل على عبدك ونبيك محمد. صلى الله عليه وسلم. اما بعد. فيعني الواحد سعيد جدا. بهذا اللقاء. اخوانى واحواتي - 00:00:20

اخواتي في الله ويعني يبقى ثلاثة تخيلوا الواحد فرحان قد ايه ولو خيروني بين هذا اللقاء وبين مليون جنيه ها لاخترت هزا اللقاء. والله المليون جنيه هيروحوا يا اخوانى ولكن سبحان الله الاجتماع على الخير والاجتماع على البر والتقوى. ده - 00:00:40 لا يقدر بثمن يوم نلقى الله سبحانه وتعالى. اخوانى في الله واحد دلوقتي في العد التنازلى بيننا وبين رمضان يعني ما عدناش بنقول 00:01:00 بينما وبين رمضان شهر ولا اسبوع ولا

فایام احنا دلوقتي بنقول بينما وبين رمضان ساعات يعني زي الوقتي بكرة بازن الله هنبقى خلصنا التراویح وداخلين على التهجد كمان. يعني اخوانى في الله اه اه الموضوع دلوقتي بقى بالساعات. بيقول لك في مسابقات الجري العالمية من مسابقة لميت متر والتلتمية متر وال حاجات دي. فالعائدin كلهم محترفين - 00:01:10

يعني ايه ؟ يعني مش مش احنا بنتسابق مع بعض لا ده ناس محترفة. ممorte نفسها. فقالوا طب ايه اللي بيخلly واحد يسبق واحد؟ كله محترف والمسافة قصيرة قال له اللي بيخلly حد يسبق حد هي اول خطوة في السباق هي الطلة هي الخطوة الاولى هي ضرب - 00:01:30

البدء عشان كده رمضان اهم حاجة في ضربة البدء. اهم حاجة انك انت من اول ليلة في رمضان تتوبي وتعاهد ربنا ان دى ليلة اتقوا من النار ان من اول ليلة انا بنشن على العتق من النار. ليه ؟ عشان نخلص بقى العتق من النار وننطلق. باقي رمضان لابواب الجنة - 00:01:50

تمانية بازن الله يعني ايه رمضان يا اخوانى ؟ لما بتشتري كمبيوتر بيقول لك لازم الاول تنزل ويندوز ليه ؟ يقول لك عشان الكمبيوتر تقدر تنزل له ينعرف بها على كل حاجة. يتعرف على الماوس وعلى الكيبورد. من غير تنزيل التعريفات الكمبيوتر ما يقدرش يتعامل مع اي جزئية - 00:02:10

من جزئياته. اهو احنا عايزيزن ننزل ويندوز نتعرف به على رمضان. عايزيزن نعرف ايه هو رمضان ؟ تخيل يا اخي في الله. تخيلوا لو انت خارج من بيتك كده كل يوم ففي جنبك معرض عربىات كبير. فخم العربىات اللي فيه من العربىات الفاخرة. فانت في عربية معينة شداك - 00:02:30

وشابة تفكيرك ونفسك فيها فقلت يا عم ادخل اسأل ولا ما ادخلش ؟ يا عم ده زمانها بمية الف جنيه ولا حاجة. وبعد كده شوية قلت قلت يا عم ادخل تسائل يعني هيحصل ايه ؟ فدخلت رحت لصاحب المعرض قلت له لو سمحت العربية دي بкам ؟ قال لك دى ؟ قلت له اه. قال لك العربية دي - 00:02:50

مليون جنيه. انت ما عرفتتش تنطق ولا قادر تبلغ ريقك وجبت مارشيدير. وخرجت من المعرض وقررت انك ما ترجعشى. هنا تاني فرت الأيام مرة خارج من بيتك لقيت يفط بعرض الشارع قدم المعرض تخفيفات هائلة او كازيونات ليس لها مثيل. فرصة لا -

قلت ياد العربية هتبقى بкам يعني؟ اللي باتنين مليون هتبقى بمليون بنص مليون مش نافعة برضو. وبعد كده قلت يا عم خلي نصك عقل ونصك عاقل ودخل اسأل العربية دي بкам هيحصل ايه يعني؟ فدخلت بتسأل صاحب المحل قلت له لو سمحت العربية دي بкам؟ قال لك دي قلت له ايوا - 00:03:30

قال لك العربية دي بعد التخفيض بالفين جنيه. قلت له ايه؟ قال لك والله انا باتكلم بجد. ولقيت اللي معه الفين جنيه اي حد معاه الفين جنيه يدخل يدفع تمن نفس الموديل ويأخذ ويأخذ عربية منها. تخيل لو انت معكش فلوس هتعمل ايه؟ ده انت هتروح - 00:03:50

لو انت معكش فلوس هتستلف انما العربية فرصة لا تعوض يا اخوانى في الله اهو ده رمضان هو ده ان الحاجة اللي كانت باسعار فلكية بقت في متناول ايديك. هو ده رمضان. سلعة الله الغالية. قصور الفردوس - 00:04:10

الاعلى. ابواب الجنة التمانية قدامك ببسط مجهد في العبادات. انك تفوز فيها في رمضان. عشان كده رمضان ده لا تعوض ما فيش انسان عاقل يعوض رمضان يقول لك ان بيل جيتس اغنى يعني فضل سنين طويلة بالجيتس اغنى ملياردير في العالم - 00:04:30
اغنى صاحب ميكرو فوق السوق اغنى ملياردير في العالم. بيقول لك بيل جيتس لو وقع منه ورقة بميت دولار. ورقة بميت دولار وقعت منه قطة عشان يحبها يخسر اكتر منها. قالوا ليه؟ قالوا لانه في السانية اللي هيوطى يجيب الميت دولار هو بيكتب اضعافها. فما ينفعش - 00:04:50

يا اخوانا الناس ده ايه؟ الناس دي مقدرة قيمة السانية من عمرها. المفروض ان احنا نبقى اولى منهم بتقدير وقتنا. اولى منهم بتقدير قيمة عمرنا المفروض انك لو عرفت قيمة رمضان لو الدنيا كلها وقعت منك في رمضان. لو وطيت تجبيها هتخسر اكتر منها - 00:05:10

لان ساعات رمضان ودقائق رمضان وسوانى رمضان اخطر ما تكون. رمضان ده وقف لله تعالى. رمضان ده لازم يبقى نقلة في حياتك. ونقلة في حياتك يعني ايه نقلة؟ يعني الانسان عامل زي العربية. لما بيبدأ في انطلاقه الى الله بيجب على الاول. شوية يجيب الثاني. طلع على الطريق يجيب الثالث - 00:05:30

انطلق على السريع هيجيب الرابع المفروض ان انت كل سنة كل رمضان يبقى نقلة في حياتك نقلة جديدة تخرج من الموضوع من غير ما دخلتوا تخرج من رمضان في علاقة بالله غير اللي انت دخلتي بها. المفروض ان احنا نبقى مقدرين قيمة اعمارنا. يا اخواننا - 00:05:50

ده النبي عليه الصلاة والسلام بيقول حديث يعني حديث خطير جدا جدا يا اخوانى يعني سبحان الله انا لو واحد بيصرف فلوسه مش مقدر قيمتها وقعدت انبهه يعني ايه فلوس هبقى عملت فيه خدمة. ولكن الخدمة الاعلى ان واحد بينفق عمره وهو مش مقدر قيمته. واحد يعرفه - 00:06:10

العمر النبي عليه الصلاة والسلام يريد انه يقول لنا يعني ايه قيمة الساعة من عمرك؟ لما الشيخ هاني حسب رمضان بالساعات وقال لك مش ستين يوم ده سبعينية وعشرين ساعة. الكلام ده اللي قاله النبي عليه الصلاة والسلام. قال رسول الله صلى الله عليه وسلم ما من ساعة - 00:06:30

النبي عليه الصلاة والسلام ما بيقولش ما من سما ولا ما من شهر ولا ما من اسبوع ولا ما من يوم. النبي عليه الصلاة والسلام بيعلمني وبيعلمك وبيعلمك ان احنا نقيس عمرنا بالساعة يا اخوانى. ما من ساعة يا نهار ابيض! امال اللي مضيع عمره يا رسول الله! امال اللي ضيع سنينه - 00:06:50

من حياته امال اللي مضيع ايامه وليلياليه ما من ساعة تمر بابن ادم لا يذكر الله تعالى ما فيها. النبي عليه الصلاة والسلام ما قالش يعصي الله فيها. ما قالش قعد قدام المسلسلات اللي من كل شكل ولون في رمضان فيها. انت عارفين - 00:07:10
يا جماعة اللي بيقعد قدام المسلسلات في رمضان عامل زي ايه؟ عامل زي تاجر في عز الموسم. الموسم اللي ما فيش تاجر التاجر لو

ما كسبش شفيه مش هيكتب لو ما سددش ديونه فيه مش هيستد. لو ما جمدش مبالغ فيه مش هيحمل. وهو في الموسم واقف

قاعد يقبض. مبالغة - 00:07:30

ويبيع تجارة طائلة ومقدد على الحسابات في الخزنة واحد حرامي. قاعد يأخذ الفلوس وبدل ما يحط الخزنة بتاعة التاجر يحطها في جيبيه. اهو ده انت قاعد في التراويف ومقدد على الخزنة حرامي. انت قاعد تعدى حسنات - 00:07:50

من القرآن والصيام وقاعد تضيعها في المسلسلات واللغو يا اخوانا عاملة زي واحد شايل شوال على صهره وقاعد يجري ويجمع فلوسه يجري ويحط فيه اكل ويجري ويحط فيه كل حاجة بتناسبه. الشوال متقوب. الشوال مقطوع. اللي بيحطه بينزل من الثقب اللي فيه - 00:08:10

فيجي في الآخر يحاول يستريح بقى ويطلع اللي تعب في جمعه عشان يستفيد به يفاجئ ان ما فيش حاجة في الشوال ليه؟ لانه كان متقوب اللي خد مننا بيطلع من هنا زي يعني مسلا المحجبة اللي تحط برفنان مسلا زي الملتهم او الشاب مسلا اللي بيصلني ولكن - 00:08:30

الاختلاط والدخول على قنوات فاسدة او موقع فاسدة. هو بيعبى حسنات من ناحية وبيطلعها من الناحية الثانية. احزر في رمضان. انك انت تكسب الحسنات من ناحية وتضيعها في الناحية الثانية. قال رسول الله صلى الله عليه وسلم ما من ساعة يا رسول الله ساعة. يا للحصر - 00:08:50

على اعمارنا. يالا الحسرة على اوقات الماكثين على القهاوي. يا للحرقة على كل ليلة لما اقومها على كل يوم لما صام ما من ساعة والكلام ده كلام النبي عليه الصلاة والسلام. النبي اللي رفيق بنا ولكن النبي عليه الصلاة والسلام بيعرفنا - 00:09:10
احنا بنضيع من ايدينا ايه؟ بيعرفنا ان كل ساعة من عمرنا كنز ما من ساعة تمر بابن ادم زي اللي واقف هنا العreibيات قاعدة تمر من قدامه مش واحد بالله. كنوزه مش واحد بالله. لا يذكر الله تعالى فيها. الا حسر عليها - 00:09:30

يوم القيمة. الحسرة غير الندم. الحسرة الندم اللي ما عادش ينفع يتعرض. هيندم ندم. هيتفهر قهرة انما امتهى يوم القيمة اشمعنى يا رسول الله؟ لان في الدنيا الوقتي اللي قاعد قدام آطااعة بيعمل طاعة اللي قاعد قدام معصية لسه الدنيا مش باينة - 00:09:50
الفرق يا اخواننا ولكن يوم القيمة لما هتشوف اللي اجتهدت في عمرها خدت ايه؟ لما هتشوف اللي عمل اعمال صالحة خد ايه؟ لاما هتشوف اللي عبد ربنا بكل ما يستطيع من قوته وطاقتة خد ايه؟ لما هتشوف اللي اقبل على الله قد ايه. ساعتها الانسان هيعرف قيمة العمر بتاعه. الانسان بيتعجب - 00:10:10

يا اخواني عملة الدنيا الفلوس. الفلوس خلت واحد غني وواحد فقير. ولكن ايه الفرق بين الغني والفقير؟ ايه الفرق بين واحد غني في دمياط واحد فقير في دمياط النهاردة. ان الغني اتغدى لحمة والفقير اتغدى فول. يعني هو ايه الفرق يعني الغني هيتدى ايه يعني؟ ما هو حاجة لحمة او ما شابها - 00:10:30

والفقير هيتدى فول او ما شابه. فعملة الدنيا خلت فيه طبقة. ولكن السقف بتاعها واحد متغدى لحمة بتاعها واحد متغدى فول. انما عملة الآخرة الحسنات اللي معه حسنات اللي ما عهوش حسنات. بتفرق قد ايه يوم القيمة؟ يا اخوانا في - 00:10:50
ابويا يوم القيمة ولكن طبقة عن حق بسبب الاعمال الصالحة. الاعمال الصالحة بتخللي واحد يوم القيمة يقف في الساورة في ارض محشر العامة على بعد ميل من الشمس اللي على بعد ثلاثة وتسعين مليون ميل الوقتي. وممكن تصيب انسان بضربة شمس. تخيل لما الثلاثة وتسعين مليون يقعوا - 00:11:10

وبتبقى على بعد ميل والعرق بيلجم الناس الجاما. واحد واقف في الموقف ده وواحد بسبب الحسنات. واقف في ظل عرش في المقصورة الملكية بيشرب من ايد النبي عليه الصلاة والسلام من نهر الكوثر. يوم القيمة ده مسلم وده مسلم - 00:11:30
ده بلغ رمضان وده بلغ رمضان. ده خد عمر وده خد عمر ولكن القضية مين اللي استفاد من اللي هو فيه؟ في يوم القيمة عملة الحسنات يقول لك الدولار بستة جنيه. طب الحسنة تعمل ايه؟ الحسنة يوم القيمة ممكن ترفع انسان قد ايه؟ وغيابها ممكن يضيع انسان او - 00:11:50

وينزل الانسان قد ايه الا حسر عليها يوم القيمة. يا اخوانى تخيلوا لو واحد جه قدام قدام الساعة داهية دلوقتي وقام مطلع ورقة بمتبين جنيه نازل من عربية فاخرة جدا وطلع ورقة بمتبين جنيه. الكل اعتقاد انه هيدبها صدقة لحد ولا حاجة. قام مطلع ولاعة ومولع فيها - 00:12:10

هند قول عليه مكتون. طب قام مطلع رزمه ورق كل ورقة بمتبين جنيه. وهو بيضحك قام ولع فيها. الكل هيقول عليه مجنون. ليه؟ ده بيحرق طب ايه رأيك ان اللي بيحرق عمره اشد جنونا منه؟ اللي بيحرق فلوسه ممكن يعوض اضعاف اللي حرقه بكرة. ولكن العمر اللي راح - 00:12:30

هيتجاب منين تاني؟ الايام اللي راحت تتجاب منين تاني؟ بكرة رمضان بازن الله او ليلة الليلة الجاية رمضان بازن الله مع غروب شمس بكرة هتبقى اول لحظات رمضان. مغرب بكرة اول مغرب في رمضان. بازن الله طبعا ان وافت الرؤبة الحسابات. مغرب بكرة او المغرب في رمضان - 00:12:50

انت مع انطلاق رمضان دي انت متخيلا ان في ناس قد ايه اتحرمت من رمضان؟ كنت لسه بصلني من يومين على شاب من الشباب قالوا لي ده اخ من اخوانا مات الله يرحمه وانا يعني قالوا لي انت عارفه يعني سبحان الله الحمد لله ان انا ما عرفتش هو مين غير بعد ما صليت عليه. لأن الواحد لو كان - 00:13:10

اعترف ان ده هو فلان. يعني الواحد كان ممكن ما يقدرش يتتحمل اصلا انه يصلبي. يعني في هذا الموقف اخ من اخواننا اخ طيب وهادي. انا وانا واقف في الجنائز داخل اصلي - 00:13:30

انا شايف منظر جسده ممدد ايديه ممدة رجلية ممدة. انا الفكر اللي جوايا لو ده الوقتي ربنا اذن اني تقضي الروح يا ترى هي عمل ايه؟ يا ترى الانسان لما اجله بيخلص؟ يا ترى هيبدأ يعرف قيمة الطاعة دي قد ايه؟ يا ترى لو ذهبنا الى المقابر - 00:13:40 صبر وربنا ايقظ لنا كل الاموات اللي فيها. وسألناهم كلهم نفسكم في ايه؟ الكل هيجاوب اجابة واحدة يا جماعة. ما حدش هيقول انا نفسى ارجع دنيا عشان اجيب شقة جديدة. ما حدش هيقول انا نفسى ارجع الدنيا عشان اغير موديل العربية. ما فيش واحدة هتقول انا نفسى ارجع الدنيا. عشان البس واتفرج واعمل - 00:14:00

الكل هيقول نفسنا نرجع ولو ليلة نعبد فيها ربنا. نفسنا نرجع ولو رمضان نطيع فيه ربنا. لانهم عرفوا قيمة الطاعة. بس سبحان الله في واحد عارف قيمتها قبل ما يقابل ربنا. واحد ما عرفش قيمتها غير بعد لقاء الله سبحانه وتعالى. تخيلوا الرجل - 00:14:20 اللي بيحرق الفلوس ده. طب انا بحرق عمري؟ طب انا بتعدى مني ايامي؟ جت فرصة ان احنا نعوض كل اللي فاتنا. جت فرصة ان احنا نبدأ صفحة جديدة جت فرصة ان احنا نكتب مكاسب لا مثيل لها. يا اخوانى في الله ويا اخواتي في الله. اللي مش هيحل - 00:14:40

يمكن حياته في رمضان هيحل مشاكل حياته امتى؟ ده انت عندك تلاتين دعوة مستجابة كل نهار. وتلاتين دعوة مستجابة كل فطر. وسعوات مستجابة كل ليلة. ربنا بيتنزل في كل ليلة بره رمضان. في التلت الاخير من الليل. ولكن صح عن رسول الله صلى الله عليه وسلم. ان الله - 00:15:00

يتنزل في رمضان في ثلثي الليل الاخر. يعني ثلثين الليل. رمضان فرصة يا جماعة. الم تروا الى الذين بدلونا نعم الله الم تروا الى الذين بدلوا نعمة الله. واحد ربنا ادى له نعمة ضيعها. مش معقول! مش معقول يا امة محمد! مش معقول ان فينا ناس - 00:15:20 رمضان ربنا يديه لها ويسلمه لها. ويسلمه لها وتضيعه. مش معقول ان بعد ما ربنا يأمر الملائكة انها تفتح ابواب الجنة التمانية على مصراعيها ويأمر الملائكة انها تغلق ابواب النار السبعة. ويأمر الملائكة ان تصعد الشياطين. ثم يسأل الله الملائكة - 00:15:40 اين عبدي؟ يقولوا له قاعد على القهوة يا رب. اين عبدي؟ قدام المسلسلات يا رب. اين عبدي؟ في الخيبة الرمضانية اين عبدي بيلعب كورة ليل نهار يا رب؟ اين عبدي؟ نايم من الفجر للمغرب يا رب؟ مش معقول يا اخوانى ان بعد - 00:16:00

فربنا يدينا كل الفرص دية نفترط فيها. نفترط فيها ونتنازل عنها. يا اخوانى في الله. فرصة اجابة الدعاء في رمضان عاملة زي راجل ملياردير فيحب واحد ادى له دفتر شيكات كل الشيكات بتاعتته ممضية على بياض. فصاحبنا خد الدفتر مش فاهم ده ايه. فيبيقول له

هو ايه ده! ده شوية ورق اداهم للاطفال اللي عنده في البيت يلعبوا به. تاني يوم اداه دفتر شيكات تاني. كل شيك منها كفيل بحل اكبر مشكلة من مشاكل حياته الشيك بيجيب له مأوى والشيك دا يجيب له سيارة والشيك دا يجوزه والشيك دا يتعالج بنمنه باذن الله. فتخيلوا ثانى يوم خد دفتر الشيكات - 00:16:40

مش عارف يعمل به ايه كتب على ضهره الحاجات اللي البيت طالبها وبعد كده طبق الورق ورماه. الرجل ده لما يعرف قيمة الشيكات دي يعمل ايه؟ او كل وقت من اوقات اجابة الدعاء في رمضان شيك على بياض. ولله المثل الاعلى. شيك على بياض اطلب اللي انت عايزة. المفروض انك من الوقت تركز على - 00:17:00

تلاته تركز عليهم طول رمضان في كل وقت من اوقات اجابة. في كل وقت من اوقات اجابة الدعاء. اخواني في الله اللي مش هيتعتق رقبته من النار في رمضان هتعتق امتى؟ عارفين يعني ايه عتق رقبة من النار؟ يعني واحد زنبه كتبت عليه النار وهيدخل الجنة. يعني واحد لو مات النهاردة - 00:17:20

النهاردة هيبقى من اهل النار. بس بعد رمضان هيبقى من اهل الجنة. يعني واحد كان ماشي في طريق اخره النار. بس بازن الله هيبقى من اهل الجنة. ده معنى رقبة اعتقدت من النار. رقبة حكم عليها بالنار او استحقت النار بزنبها. ولكن ربنا برحمته اعتقها. اللي مش هيتعتق في رمضان من النار - 00:17:40

نار وفيه كل ليلة عتق من النار وكل يوم عتق من النار هيتعتق امتى؟ اللي مش هيامن قبره في رمضان هيامن امتى؟ الم رسول الله صلى الله عليه وسلم. الصيام سنة اي وقاية وحماية. اللي مش هيحميه رمضان من قبر هيحميه. امال هيحمى منه بايه - 00:18:00
دي مش هيتعلق موازينه في رمضان. هيتعلقها امتى؟ يا اخواني في الله. ده النبي عليه الصلاة والسلام بيقول ان عمرة في رمضان كحج مع رسول الله صلى الله عليه وسلم. تخيل عمرة تضاعف انها تبقى حجة ومع النبي عليه الصلاة والسلام. اللي في وسط موسم المضاعفة ده مش - 00:18:20

تنقل موازين هتتعلق موازينه انت اللي مش هيحول موته لافراح في رمضان. امال هيحوله امتى؟ الم يقل رسول الله صلى الله عليه وسلم للصائم فرحتان ها وفرحة حين لقاء ربه. رمضان بيحول موتك لافراح. رمضان بيتعلق موازينك - 00:18:40
قضاء فرصة لا تعوض يا اخواني في الله. لازم نشحد العزم. لازم نعرف ان احنا دلوقتي في العد التنازلي. لازم نعرف ان ضربة البداية دي اهم اهم حاجة في رمضان واهم شيء في رمضان زي نهر النيل اللي ماشي مستقر قدامكم ده هو ده وهو عند المنبع بتاعه كان فيه شلالات هادرة - 00:19:00

عشان تشق المجرى لما شقت المجرى المائية بقت هادية وماشية لازم بداية رمضان تبقى زي بداية النهر دا هو تبقى بداية شلالات هادرة لازم اول ليلة في رمضان تبقى ليلة العتق من النار. اخواني واخواتي قال تعالى هم درجات عند الله. ممكن اتنين يقفوا في صلاة التراويح بكرة - 00:19:20

ولكن الفرق ما بين صلاة ده والصلاه ده زي الفرق ما بين السماء والارض. اخواني في الله استوصوا برمضان خيرا. اخواني في الله احنا قدام فرصة اللي باتنين مليون هتبقى بالف وهتبقى بأيسر ما تكون. اللي هيضيع رمضان النبي عليه الصلاة والسلام قال ان اي ساعة من ليل او نهار - 00:19:40

اي يوم عادي هيندم عليها صاحبها اللي ضيعها يوم القيمة. امال اللي ضيع ساعة من رمضان او دقيقة من رمضان ربنا يسدكم يا رب. اوصيكم يا اخواني في الله اوصيكم انكم تبذلوا وقتكم لله في رمضان. وتبذلوا اموالكم لله في رمضان. يا اخوانا مش آما بنباخل - 00:20:00

اغنى ما ينفعش ان انا ادخل عن ربنا بوقتي. رمضان ده وقف لله على قد ما اقدر اعبد ربنا فيه. على قد ما اقدر احد احد الشباب كان رايح درس من الدروس - 00:20:20

اسكندرية في مسجد من المساجد فسبحان الله راح الدرس. فهو يعني يوم الدرس بعد كده قال سبحان الله الليلة دي انا ممكن اخرج

فيها ممكن اتفسح فيها مش مهم كسل فراح خرج بمكان من الاماكن فعايز يجيب حاجة او يشيل حاجة فقام جاي شاب كده شكله ابن ناس كده قام داخل عليه - 00:20:30

جه وقال له معلش واشيل عنك وخدمك فالراجل يعني انهر بزوق الشاب ده وبأخلاقه وانه بيخدمه بالمنزد ده وخلاص والموضوع عدى الاب مشي بالقصة. خلصت ساعتين صاحبنا احتاج يطلع فلوسه من جيبيه. بيطبع المحفظة. لقى المحفظة اللي فيها رخصة السواقة ورخصة العربية - 00:20:50

والبطاقة الشخصية والفلوس بتاعته اتسرق. والشاب اللي كان داخل عليه ده كان حرامي. وسرق المحفظة ومشي. قعد شهر كامل يطلع في الورق بدل فاقد اللي كان معه في المحفظة. قال سبحان الله! انا بخلت عن ربنا ساعة. دفعت تمنها شهر من الوقت يا اخواننا اللي - 00:21:10

دخل بوقته عن ربنا او اللي بيبخل بماله عن ربنا زي اللي مش راضي يطلع الزكاة. بدل ما يزود ما له هو ما له بيبقى عرضة التلف اصلا يا جماعة يعني ان احنا ندي وقتنا لربنا سبحانه وتعالى. ان احنا ندي بالنار ربنا. انت ممكن تقول لواحد دلوقتي عايزين نطعم - 00:21:30

الاسر الفقيرة عايزين نطعم اخواننا في في سوريا عايزين نشتغل وندفع من اجل الدعوة واحد يقول لك منين وانا منين واحنا في ايام صعبة ولو شاشة المحمول اتحرقت هتطلع الفلوس. ولو المحمول اتسرق الف جنيه هيطلعوا عشان محمول جديد. ولو شاشة الكمبيوتر - 00:21:50

اتحرقت هيطلعه ويسبب الشاشة جديدة. ولو عربية باذلت او اتبختت هيطلع ويصلحها. اشمعنى الفلوس ما بتطلعش؟ مع ربنا اشمعنى الوقت ما بيدلش مع ربنا ده لو واحد شرحت المحمول بتاعته اتحرقت. تلات اربع مشاور لمركز الخدمة عشان يطلع بدلها. ده لو واحد مننا دلوقتي يا اخواننا لما الناس بخلت بوقت - 00:22:10

ساعة لربنا ايه اللي حصل؟ الوقت المشوار اللي بيأخذ ساعة بسبب الزحمة ياخد خمس ساعات. ما عدش فيه وقت فيه بركة في الوقت ليه؟ لأن الناس بوقتها لربنا. ما عدش فيه بركة في المال ليه؟ لأن الناس بخلت بمالها عن ربنا. في حين ان ممكن طالب ايام الامتحانات يجي له دور برد ينام - 00:22:30

اسبوع في السرير. في عز الامتحانات عايز اقول ايه؟ عايز اقول ان الوقت اللي انت بتديه لربنا ده ربنا بيبارك لك به في عمرك. ان اللي انت بتتنفقه قطفي رمضان لربنا ده ربنا بيدلك بداله بركة في كل رزق من ارزاقك سيدنا عبد الرحمن ابن عوف مرة السيدة عائشة بتحديثه بعد - 00:22:50

بموت النبي عليه الصلاة والسلام ان الاغنياء بيدخلوا الجنة بعد الفقراء فحزن وقال لها يا ام المؤمنين وماذا افعل؟ اذا كنت انفق فيخالف الله علي الفا. السنة دي في اللي بينفق ماله لله. واللي بينفق وقته لله. واللي بينفق فكره - 00:23:10

لا واللي بيسخر مواهبه لله رمضان جاي. خليك بناع ربنا. خليك واقف لربنا. خلي لك هدف في رمضان من البداية ان رمضان ده بيبقى نقلة في حياتك ويبقى نقلة في حياتك. انك انت بازن الله توصل الليل بالنهار في الطاعة في رمضان. طب الروشة في رمضان ايه - 00:23:30

لما واحد بيروح لدكتور الدكتور يكشف عليه وبعد كده يمسك الروشة يكتب له اسبرين العيان بيبص ايه بقى يا دكتور؟ انا جاي لك ودفع كشف عشان تكتب لي يا ابني هو ده العلاج بتاعك. الموضوع بسيط يا جماعة. الموضوع من انساب ما يكون. العلاج اسبرين روشنة رمضان انك تقرأ القرآن - 00:23:50

طول النهار على قد ما تقدر. بالليل على قد ما تقدر انك انت تجتهد في عبادة ربنا. خلي الشهر ده شهر عزيمة. خلي الشهر ده شهر يبقى فيه ارفع انك توصل الليل بالنهار في الطاعة فيه. على قد ما تقدر عشان نخرج من رمضان نقول ابشر بخير شهر من عليك منذ ولدتك - 00:24:10

امك اللهم بلغنا رمضان واجعلنا فيها من الفائزين. اللهم بلغنا ليلة القدر واجعلنا فيها من الفائزين. اللهم اجعل رمضان هذا خير رمضان

مر علينا في في حياتنا. اللهم اجعل رمضان هذا فتحا على اهل مصر. اللهم اهدي شباب مصر وبنات مصر. ورجال ونساء مصر واطفال

مصر - 00:24:30

اللهم انصر دينك واعز - 00:24:50